

МЕСЯЦА ДЕКЕМВРИЯ В 20-й ДЕНЬ
СЛУЖБА СВЯТОМУ ПРАВЕДНОМУ ИОАННУ,
КРОНШТАДСКОМУ ЧУДОТВОРЦУ.

НА МАЛЕЙ ВЕЧЕРНИ

На Господи возвах: Стихиры, глас 2-й:

Светильника веры и благочестия, / молитвенника к Богу, теплаго, / восхвалим,
вернии, в пениих и песнех духовных,

Иоанна, праведнаго пастыря Кронштадтскаго, / егоже Христос чудесы
многими прослави / и дивна Церкви Российстей показа.

Всех радость Христос / возвесели сердце твое, Иоанне, / егда отроку еще ти
сущу, / подвигнуся на молитву ко Источнику Премудрости, / дадеся ти разум и
смысл ко учению, / еже утешати и наставляти всех ко спасению.

Елицы Христови суть, / плоть распяша со страстьми и похотьми, / якоже Аπος
тол Павел рече. / Сего ради и ты, святе Иоанне, / из млада потщался еси /
правилом сим жительствовати, образ показуя всем ко спасению.

Телесныя немощи препобеждая, / духовне восходил еси от силы в силу, /
преуспевая возрастом и премудростию, / созидаю себе в жилище Божие Духом,
сподобился еси, отче Иоанне, / видения храма Божия, / в немже во священстве до
кончины Богу послужил еси.

Слава, глас 8-й:

Иоанне праведне и милостиве, / добродетель любве стяжавый, / яже, по
Апостолу, николиже отпадает, / яви и нам благодатную помощь твою, / да
обрящем богатство благодотворения / молитвами твоими.

И ныне, Богородичен, глас тойже:

Любовию Твоею, Мати Дево Владычице, / покрываеши всех притекающих к
Сыну Твоему и Богу нашему, / мы же, грешнии, кающесея, / все упование на Тя
возлагаем и молимся: / сохрани нас под кровом Твоим.

На стиховне стихиры, глас 1-й:

Подобен: Небесных чинов радование:

Никтоже притекай к тебе, / святыи пастырю наш, / тощ и неутешен отыде, /
но вси радость получаша и наставление ко спасению.

Стих: Свет возсия праведнику / и правым сердцем веселие.

Имея сердце твое присно обращенное ко Господу, / исполнился еси милости и сострадания / к униженным и отверженным людем Божиим, / имже и ныне не престаеши благодествовати, / подая молитвами твоими, отче Иоанне, / потребная ко спасению.

Стих: Готово сердце его / уповати на Господа.

Чистоту душевную хранить / поучал еси паству твою, святе Иоанне, / чистоту мысли и слова, / яко образ чистоты и непорочности, в себе являя. / Сподоби нас молитвами твоими чистоту сердечную стяжати.

Слава, глас 6-й:

Еже о нас исполнив смотрение, / любовию земная с Небесными соединил еси, Господи, / сие глаголя: / идеже есмь Аз, тамо и слуга Мой будет. / Веруем, яко и служитель Твой Иоанн / во обителях святых молится, / о еже пребывати нам с Тобою, Господи.

И ныне, Богородичен, глас тойже:

Земля неоранная явилася еси, / Мати Благословенная, / возрастившал нам Клас Живота, / от Негоже всяк ядый не умирает, / якоже рече, Богородительнице, всех Питатель.

НА ВЕЛИЦЕЙ ВЕЧЕРНИ

На Господи, возвах:

Стихиры, глас 6-й:

Подобен: Все отложше:

Единороднаго Сына Божия возлюбил еси, / и Тому Единому служити возжелел еси, / святе Иоанне, / Емуже вверился еси, глаголя: / жизнь моя во Христе есть. / Сего ради потщался еси / вся ко благоугождению Господеви / и мудрствовати, и деяти.

Молитвенника теплаго / и благодатнаго пастыря видим тя, отче Иоанне, / мнозем бо людем, к тебе притекающим, / являеши в скорбех утешение, / в недужех многообразных исцеление, / в нуждах сущим и страждущим / присное вспоможение / и до ныне в чудодействіих не оскудеваеши.

Лествицею добродетелей шествуя, / делатель неленостный / вертограда Господня явился еси, отче Иоанне, / от млада даже до последняго часа добре потрудился еси. / Тако и нас молитвенно укрепи / Господеви работати.

Иоанне праведне, / врачу благодатный, / силою молитв твоих / исцелял еси ближних и дальних, / любовью во Христе объемля, / тех наставлял еси обращаться к Богу, / всем по вере помощь подающему.

Различен милования образ / и широка заповедь сия, / рече златословесный Иоанн. / Ты же, пастырю милостивый, / в сих добродетелех многообразно подвизавыйся, / дом трудолюбия создавый, нас быти чуждых праздности научи.

Уединенному пустынножителю, / преподобному Иоанну Рыльскому подражая, / егоже именем во святем крещении наречен был еси, / Иоанне праведне, удалился еси от всякаго мирскаго пристрастия, / во Христе Едином житие свое утвердив, / научи и нас благочестному жительству.

Слава, глас тойже:

Селения святых наследовал еси, / отче Иоанне праведне, / во свете Лица Божия / зриши нужды с верою притекающих к тебе, / коемуждо потребная яже ко спасению подавая. / Сего ради и мы, на помощь твою уповающе, молимся: моли Христа Бога / спастися душам нашим.

И ныне, Предпраздства, глас тойже:

Вертепе, благоукрасися, / Агница бо грядет чревоносящи Христа: / ясли же подымите словом Разрешившаго / от безсловеснаго деяния нас земнородных. / Пастырие свиряюще свидетельствуйте чудеси страшному: / и волсви от Персиды, / злато и ливан и смирну Царю принесите, / яко явися Господь из Девы Матере. / Емуже и приникши рабски Мати поклонися, / и привещаше к Держимому на объятиях Ея: / како всеялся еси мне, / или како прозябл еси во мне, / Избавителю мой и Боже?

Вход. Прокимен дне.

И чтения три преподобнических.

На литии стихиры, глас 2-й:

Слова Божия служителю, / словесы Евангельскими назидал еси сердце твое, / в молитве и богомыслии присно пребывая, / разум богопросвещен стяжал еси, отче Иоанне, / путь к Богу писаньми твоими нам указуя, / молися о душах наших.

Ко Христу, Солнцу Правды, молитвенно обращаяся, / поучения душеспасительная о Нем / в книзе твоей изложил еси, отче праведне, / да вси вернии, Тайнам Божия домостроительства спасения нашего поучающися, / жизнь вечную наследуют.

Истинныя веры проповедниче, / словом и писаньми догматы Православия изъяснял еси, / лжеучителям противоборствуя, / на недвижимем Камени веры утверждаяся, / во славу Церкви Христовы потрудился еси. / Укрепи и нас молитвами твоими, отче Иоанне, / в верности Православней Церкви пребывати / и в ней спастися нам.

Слава, глас 7-й:

Явился еси людям Божиим / наставник спасения, / образ сострадания и духовнаго утешения: / не точию бо пастве Кронштадтстей, / но и всей Руси, отче Иоанне богомудре, / благодаяния источаеши. / Сего ради, празднующе память твою, / славим Господа, дивнаго во святых Своих.

И ныне, глас тойже:

Притекающе под кров Твой, Дево Богородице, / вемы Тя христиан Предстательницу, / к Сыну бо Твоему и Богу нашему / присно молебне руже Твои о нас простираеши, Всенепорочная, / и спасаеши от бед верою и любовию Богородицу Тя почитающих.

На стиховне, Стихиры, глас 5-й:

Ревностию о славе Божией распаляемь, поучал еси паству твою / всячески хранити сердце свое от страстей, / душу растлевающих и от Бога разлучающих. / Моли о нас, отче святой Иоанне, / да управим житие наше к славе Имене Божия и спасению.

Стих: Свет возсия праведнику / и правым сердцем веселие.

Апостольским подвигом подражая, отче Иоанне предивне, / душу о спасении ближних полагал еси, / взыскупя не своих си, но ближняго. / Ныне же предстою Престолу Святыя Троицы, / непрестанно молися о почитающих память Твою.

Стих: Готово сердце его / уповати на Господа.

Все богатство веры / открыл ми еси, Господи, / благодарне взывал еси, Иоанне праведне, / ко Источнику любви и премудрости Богу, / от Негоже познал еси словеса спасительная. / Имиже согревая хладная сердца наша, / направляеши ко спасению.

Слава, глас 8-й:

Единому Богу любовью прилепляся, святе Иоанне, / присно попечение о страждущих и отверженных имея, / скорый помощник тем явился еси, / сего ради сила благодати Божия / содевает тобою велия чудеса, / обращая неверных к вере во Христа и к жизни во славу Божию.

И ныне, Предпразднства, или Богородичен, глас тойже:

Девственнии лица святых на Небеси / и подвижницы благочестия на земли девству и чистоте от Тебе, Дево Безвестная, научившиися, / воплотившемуся от Тебе Сыну и Богу поклоняющемся, / славят Рождество Твое, Благодатная.

Тропарь, глас 1-й:

Православныя веры поборниче, / земли Российской печальниче, / пастырем правило и образе верным, / покаяния и жизни во Христе проповедниче, / Божественных Таин благоговейный служителю / и дерзновенный о людех молитвенниче, / отче праведный Иоанне, / целителю и предивный чудотворче, / граду Кронштадту похвало / и Церкви нашей украшение, / моли Всеблагаго Бога / умирить мир и спасти души наша.

Ин тропарь, глас 4-й:

Российския земли пастырь добрый показался еси, / в служении пресвитерством жизнь во Христе стяжав, / Богомудре отче Иоанне. / Благодать изобильную от Владыки Христа приял еси: / недуги отгоняти, / малодушныя утешати, / в Тайне Пречистаго Тела и Крови верныя со Христом соединяти. / Сего ради восхваляем тя, / яко молитвенника о душах наших.

НА УТРЕНИ

По 1-й кафисме седален, глас 4-й:

Неизреченно милостив и долготерпелив Господь ко мне, / рекл еси, святе Иоанне, / тако и мне подобает милостиву быти. / Сего ради нищия и убогия возлюбил еси, / яко меньшую Христову братию, / им же всеусердно послужив, Царствия Небеснаго наследник явился еси.

Слава, и ныне, Богородичен:

Настави ны на путь покаяния, / уклоншиися присно к безпутием зол / и Преплагаго прогневавшия Господа, / Неискусобрачная Благословенная Марие, / прибежище отчаянных человеков, Божие жилище.

По 2-й кафисме седален, глас 5-й:

Ежеденное совершение Божественных Таин / благодатною силою в молитвенном подвиге укрепляше тя, святе Иоанне. Сего ради поучал еси, / яко Безкровная Жертва торжество любви Божия к роду человеческому есть / и всеильное ходатайство о спасении нашем. / Ныне же, святе Иоанне, присно Богу предстоя, молися и нам сея благодати достойным причастником быти.

Слава, и ныне, Богородичен:

Божественная скиния была еси Слова, / едина Пречистая Мати Дево, / чистотою Ангелы превозшедшая, / паче всех мене, персть бывша, / осквернена плотскими прегрешеньми, / очисти молитв Твоих Божественными водами, / подаючи, Чистая, велию милость.

По полиелеи седален, глас 8-й:

Отеческою любовью всех объемля, самых падших во глубину греха не отвращался еси, / ненавидя грех, ко грешным милосердуя, / к покаянию их приводил еси, / Ангелом Небесным подобая, / обращению заблудших и покаянию их радуяся, / Иоанне праведне.

Слава, и ныне, Богородичен, или Предпразднства.

Девственнии лица святых на Небеси / и подвижницы благочестия на земли девству и чистоте от Тебе, Дево Безвестная, научившиися, / воплотившемуся от Тебе Сыну и Богу поклоняющемся, / славят Рождество Твое, Благодатная.

Степенна, глас 4. Антифон 1-й, ихже стихи повторяюще поем:

От юности моя / мнози борют мя страсти, / но Сам мя заступи, / и спаси Спасе мой.

Ненавидящий Сиона, / посрамится от Господа, / яко трава бо огнем / будете изсохше.

Слава: / Святым Духом / всяка душа живится, / и чистотою возвышается, / светлеется Троическим Единством священнотайне.

И ныне, тойже.

Прокимен, глас 4-й:

Прокимен: Возвеселится праведник о Господе * и уповаеет на Него.

Стих: Услыши, Боже, глас мой, вегда молитимися к Тебе.

Всякое дыхание:

Евангелие от Матфея, зачало 16:

Рече Господь: **В**неми́йте мило́стыни ва́шея не твори́ти пре́д челове́ки, да видими бѣдете ѿми: ѿце ли же ни, мзды не ѿмате ѿ о́ца ва́шего, ѿже е́сть на небѣхъ. **А**когда оубо твориши мило́стыню, не востре́ви пре́д собою, ѿкоже лице́мѣри творѣтъ въ со́нмицихъ и въ сто́гнахъ, ѿкво да просла́вѣтса ѿ челове́къ. **А**ми́нь глѹ ва́мъ, воспрі́емлютъ мзду́ свою. **Т**евѣ же твори́щ мило́стыню, да не оубѣствѣ шѣица твоѡ, что́ твори́тъ десни́ца твоѡ, ѿкво да бѣдетъ мило́стыня твоѡ въ тайнѣ: и о́ць твоѡ, ви́дѣи въ тайнѣ, тоѡ возда́стъ тебѣ ѿвѣ. **И** егда мо́лишса, не бѣди ѿкоже лице́мѣри, ѿкво люба́тъ въ со́нмицихъ и въ сто́гнахъ пѣтій стоа́ще моли́тиса, ѿкво да ѡвѣтса челове́къми. **А**ми́нь глѹ ва́мъ, ѿкво воспрі́емлютъ мзду́ свою. **Т**ы же, егда мо́лишса, вни́ди въ кѣтъ твою, и затвори́въ двѣри твоѡ, помоли́са о́цѣ твоѡмѣ, ѿже въ тайнѣ: и о́ць твоѡ, ви́дѣи въ тайнѣ, возда́стъ тебѣ ѿвѣ.

По 50-м псалме

Слава: / Молитвами апостолов, / Милостиве, очисти / множества согрешений наших.

И ныне: / Молитвами Богородицы, / Милостиве, очисти / множества согрешений наших.

Таже, глас 6: Помилуй мя Боже / по велицей милости Твоей, / и по множеству щедрот Твоих / очисти беззаконие мое.

Стихира, глас 6:

Тя земнаго ангела, / Небеснаго человека, / любви Христовы носителя, / земли Российския печальника / и о всем міре молитвенника, / заступника обидимых, / образ трудолюбия, чудотворца предивнаго / почитаем, Иоанне праведне, / благодаряще Бога, / прославляющаго святаго Своя.

Канон, глас 1-й:

Песнь 1-я

Ирмос: Песнь победную поим вси Богу: / Чистоту помышлений даждь ми, Спасе мой, / еже воспети чистотою Ангелом подобнаго, праведнаго Иоанна пресвитера, / яко Ангела Господа Вседержителя.

Еже любити Христа и Ему служити, Иоанне святе, / делом и словом исполнил еси, / во священстве верным образ быв словом и житием.

Иоанну Крестителю подражая, / ты, отче Иоанне праведне, / образ воздержания, целомудрия и девственника чистоту явил еси.

Богородичен: Облагодати нас, Мати Божия, / еже к Богоугождению житие наше управити, / да Твоею помощию и молитвами праведнаго Иоанна живот вечный наследуем.

Песнь 3-я

Ирмос: Камень, егоже небрегоша зиждущии:

Апостольски трудился еси / от утра пастырскаго жития твоего даже до вечера, отче Иоанне, / николиже в любви к Богу и ближнему оскудевая.

Небеснаго Царствия взыскуя, / усердный делатель благих на земли явился еси, / молитвою веры недуги исцеляя и заблуждшия к покаянию призывая, святе.

Никогоже отвращался еси, / точию отвергающихся Господа Иисуса Христа и Церкви Его Святыя, / Ейже сыны века сего противляются. / Но и о сих заблуждших в скорби мнозей моление твое к Богу возносити не преставал еси.

Богородичен: Единение верных в Церкви Сына Твоего и Бога нашего сохрани, / Пречистая Дево Мати, / да присно в любви Христове друг ко другу утвердимся.

Седален, глас 2-й:

Мы, немощнии, к тебе, праведне Иоанне, / яко сильному молитвеннику пред Богом, притекаем, / просяще недугом душевным и телесным исцеления, / в скорбех о гресех наших покаянием избавления, / стране нашей и людем ея мирное жителство / и вся потребная ко спасению.

Слава, и ныне, Предпраздства, или Богородичен:

Отроковице Благодатная, / Мати Безневестная, Надеждо нашего спасения, даждь нам в вере утверждение и во благо честивем житии преуспеяние, / в скорбех и печалех утешение. / Тя бо, яко Рождшую Спаса Христа, присно величаем.

Песнь 4-я

Ирмос: Духом провидя Аввакум словесе воплощение:

Ложное мудрование сынов века сего, возстающих противу истины Святыя Церкви Христовы, / отвергл еси, святе Иоанне, / словом и житием Православие утверждал еси, поя: / слава силе Твоей, Господи.

Имя Христово присно в сердце нося, святому Богоносцу Игнатию подражая, / в себе самом всякое приражение греха истребил еси, поя: / слава силе Твоей, Господи.

Сила Божия, в немощи совершающаяся, яви тя дивнаго чудотворца, / целителя недужных и немощных, учителя покаяния, молитвы делателя, поющая: / слава силе твоей, Господи.

Богородичен: Явилася еси, Владычице Богородице, Благодатная Помощница праведному пресвитеру Иоанну, / присно молящемуся Ти и Сыну Твоему и благодарно поющему: / слава силе Твоей, Господи.

Песнь 5-я

Ирмос: Твой мир даждь нам, Сыне Божий:

Благо мне, яко смирил мя еси, Господи, / сиче молился еси, терпя поношения хулителей твоих, святе Иоанне, / храня мир сердца твоего непрестанною молитвою и незлобием.

Облекся во Христа верою и причастием Святых Таин, / был еси тверд, яко скала, глаголя: / мне Христос полнота всех благ, Живот и Мир, превосходяй всяк ум.

Господни Трапезы присно причащаяся, стяжал еси Свет Христов, просвещающий всякаго человека, грядущаго в мир. / Сим же и нас просвети, Иоанне светоносче, тя почитающих.

Богородичен: Ужасошася всяческая о Божественной славе Твоей, Пречистая Дево, / общники славы Твоя соделай и нас, / Тя присно ублажающих.

Песнь 6-я

Ирмос: Пророку Ионе подражая, вопию:

Оживляя душу непрестанною ко Господу молитвою, / сиче взывал еси, Иоанне богомудре: / Господи, даждь ми любити всякаго человека, яко самага себе. / Сию добродетель помози и нам стяжати.

Призывая имя Божие во спасение твое, / спасению многих послужил еси. / Да пребудем и мы в единении с Богом и любви между собою, / молимтися, отче Иоанне.

Разум богопросвещенный стяжал еси, Иоанне премудре, / о Святей Троице богословствовал еси, / призывая в простоте сердца веровати.

Богородичен: Избавителя нашего неизреченно рождающая, Пресвятая Дево, буди нам грешным прибежище спасения / и вечныя жизни Ходатаица.

Кондак, глас 3-й:

Днесь пастырь Кронштадтский предстоит Престолу Божию / и усердно молит о верных / Христа Пастыреначальника, обетования давшаго: / созижду Церковь Мою / и врата ада не одолеют ея.

Икос: Восхвалим, вернии, дивнаго пастыря Кронштадтскаго, благодати тезоименитаго, / светильника присногорящаго у Престола Святыя Троицы, / с Богородицею и со всеми святыми земли Российския / молящагося о спасении всех, Имя Господне призывающих, / да укрепится в стране нашей Православие / силою Христа Пастыреначальника, обетование давшаго: / созижду Церковь Мою и врата ада не одолеют ея.

Песнь 7-я

Ирмос: Сущим в пещи отроком твоим, Спасе:

Настави нас, пастырю добрый, жизни во Христе, / по слову бо твоему, велико делание есть, еже победати грех, в нас живущий. / Помолимся, да не опалится душа наша пламенем его.

Очищение наше и избавление есть Христос Спаситель, / Емуже ты, пастырю пречудный, / о нашем духовнем возрождении, чрез покаяние и исправление, помолися.

Силою Духа Святаго в непрестанней молитве / безстрастие стяжавый добрый пастырю Иоанне, / страстей любогреховных нам избавитися помолися.

Богородичен: Яви нам милость Твою, Богородице Дево, Мати Живота, / к Тебе с верою притекающим / и Сыну Твоему и Богу покаяние приносящим.

Песнь 8-я

Ирмос: Егоже ужасаются ангели:

Щедрою рукою твоею милостыню просящим подавал еси, Иоанне милостиве. / Не веде бо шуйца, еже твори десница твоя, / тщету бо земнаго стяжания на Небесная пременил еси.

Имущему дано будет и преизбудет, рече Господь, / тако и ты, отче Иоанне, тщанием велиим благодать Духа Святаго стяжал еси, / еюже и нас молитвами твоими ныне ущедри.

Хранение устом полагая, николиже суетная возглагола еси, Иоанне, / закона Господня взыскуя, / и нас в нем ходити присно научаеши.

Богородичен: Тя, Богородицу Вышшую Небес и Чистшую светлостей солнечных, / в песнях немолчных воспевают Херувими и Серафими. / С нимиже и мы, недостойнии, Тя ублажаем.

Песнь 9-я

Ирмос: Живоприемный источник приснотекущий:

Иисуса Христа Пастыреначальника образ в себе нося, Иоанне, / уготовал еси по вся дни душу твою за паству полагати / и во гресех погибающих к Богу обращати.

Приносящих ти похвалу сию, отче Иоанне, / не отрини, но милость Христа Бога испроси / к прощению многих прегрешений.

Очима твоима присно взирая ко Господу, отче Иоанне, / врата сердца твоего отверста Ему имел еси, / да отверзется и нам дверь покаяния молитвами твоими.

Богородичен: Христа Бога нашего, прежде век от Отца рожденаго без матере, / Рождшагося же от Тебе без отца нас ради, / моли, Чистая Богоневесто, да спасение улучим, Тя величающе.

Светилен:

Весь исполнился еси Света Христова, освятив себе Богови, / просвети и нас светом благодати Духа Святаго / молитвами твоими, Иоанне светоносне.

Слава и ныне, Богородичен:

Ангели на Небеси и человецы на земли Тя, / Богородице, яко Матерь Света, непрестанно величаем.

На хвалитех стихиры, глас 8-й:

Ликуй светло, граде святаго Петра, имея в себе днесь прославленные святые угодники Божии: / Ксению блаженную, дивную молитвенницу, / и праведнаго Иоанна, пастыря Кронштадтскаго / светильника веры и чудотворца изрядна.

Взыграйте, людие Божии, / в песнях и пениих радующеся, / Христа славяще и угодники Его, / присно молящиеся о душах наших.

Устне твои разума исполнятся, / и закону Господню от уст твоих поучахуся людие, / Иоанне предивне, иерею Божий, / ныне же со Ангелы предстоя Святей Троице, / молися о почитающих память твою.

Словесы твоими и писаньми вдохновенными / путь к Богу указуеши / и жизни во Христе поучаеши, / Солнце Правды, Христа, проповедуя, / истинный Клас Живота, / Трапезу бессмертия в Тайне Пречистых Тела и Крове / нам уготовляющаго.

Слава, глас 6-й:

Истиннаго пастыря тя почитаем, / отче Иоанне праведне, / явил бо еси в себе образ Пастыреначальника Христа, / ныне же зрением неизреченныя Славы Его наслаждаеши / и прошения наша слышиши, / молися даровати нам полезная ко спасению.

И ныне, глас тойже:

Южика Твоя, Пресвятая Дево, / Елисавет, мати Предтечева, / первее всех земнородных / Богородицу Тя нарече глаголющи: / откуда мне сие, / да прииде Мати Господа Моего ко Мне. / Мы же Тя, Благословенную в женах, / вси роди христианстии, / без исления Бога Слова Рождшую, / присно величаем.

Или предпраздства, глас тойже: Приближается Христос:

НА ЛИТУРГИИ

Блаженны от канона, песни 3-я и 6-я.

- 1.** Апостольски трудился еси / от утра пастырского жития твоего даже до вечера, отче Иоанне, / николиже в любви к Богу и ближнему оскудевая.
- 2.** Небеснаго Царствия взыскуя, / усердный делатель благих на земли явился еси, / молитвою веры недуги исцеляя и заблуждшия к покаянию призывая, святе.
- 3.** Никогоже отвращался еси, / точию отвергающихся Господа Иисуса Христа и Церкви Его Святыя, / Ейже сыны века сего противляются. / Но и о сих заблуждших в скорби мнозей моление твое к Богу возносити не преставал еси.
- 4.** Оживляя душу непрестанною ко Господу молитвою, / сице взывал еси, Иоанне богомудре: / Господи, даждь ми любити всякаго человека, яко самаго себе. / Сию добродетель помози и нам стяжати.
- 5.** Призывая имя Божие во спасение твое, / спасению многих послужил еси. / Да пребудем и мы в единении с Богом и любви между собою, / молимтися, отче Иоанне.
- 6.** Разум богопросвещенный стяжал еси, Иоанне премудре, / о Святей Троице богословствовал еси, / призывая в простоте сердца веровати.

Тропарь, глас 1-й:

Православныя веры поборниче, / земли Российския печальниче, / пастырем правило и образе верным, / покаяния и жизни во Христе проповедниче, / Божественных Таин благоговейный служителю / и дерзновенный о людех молитвенниче, / отче праведный Иоанне, / целителю и предивный чудотворче, / граду Кронштадту похвало / и Церкви нашея украшение, / моли Всеблагаго Бога / умирити мир и спасти души наша.

Кондак, глас 3-й:

Днесь пастырь Кронштадтский предстоит Престолу Божию / и усердно молит о верных / Христа Пастыреначальника, обетования давшаго: / созижду Церковь Мою / и врата ада не одолеют ея.

Прокимен, глас 7:

Прокимен: Возвеселитса прѣвникъ ѿ гдѣ и оуповаетъ на него̀.

Стих: Оуслыши, вѣе, гласъ мой, внегда молитимиса къ тебѣ.

Апостол к Евреям, зачало 311.

Брѣтїе: **А**ще во вы пѣрвый ѡнъ непороченъ былъ, не вы второмъ иискалося мѣсто. **О**у корѣа во ихъ глаголетъ: се, днѣ градѣтъ, глетъ гдѣ, и совершѣ на домъ иилевъ и на домъ идовъ завѣтъ новъ, не по завѣтѣ, егже сотворихъ отцѣмъ ихъ въ дѣнь, въ онъже ѣшѣ ми ихъ за рѣкѣ, и звестнѣ ихъ ѡ землѣ егѣпетскѣа: занѣ тѣи не прѣвыша въ завѣтѣ моѣмъ, и азъ нерадѣхъ ѡ нихъ, глетъ гдѣ. **И**акъ сѣй завѣтъ, егже завѣцаю домъ иилевъ по онѣхъ днѣхъ, глетъ гдѣ, даъ законы моѣ въ мысли ихъ, и на сердцахъ ихъ напишѣ ихъ, и бѣдѣ имъ бѣтъ, и тѣи бѣдѣтъ мнѣ людѣе. **И** не имать навѣчнѣи кѣждо искреннаго своего и кѣждо брѣтѣи своего, глагола: познай гдѣа: **И**акъ вси оувѣдатъ мѣ ѡ мѣла даже и до велика ихъ, занѣ мѣтивъ бѣдѣ неправдамъ ихъ и грѣхѣмъ ихъ и везаконѣи ихъ не имамъ помѣнѣти ктомѣ. **В**негда же глетъ новъ, ѡбветшѣи пѣрваго: а ѡбветшавѣющее и состарѣвѣющееа блѣзѣсть истинѣа.

Амниѣна, глас 4: Праведник, ако финикс процветет и ако кедр, иже в Ливане, **У**множитсѣа.

Стих: Насаждени в домъ Господни во дворехъ Бога нашего процветѣтъ.

Евангелие от Матфея, зачало 11,

Рече Господь: **В**ы естѣ свѣтъ мѣра: не мѣжетъ градъ оукрѣтитсѣа верхѣ горы столѣ: ниже вжигѣютъ свѣтилника и поставлѣютъ егѣ подъ спѣдомъ, но на свѣщницѣ, и свѣтитъ всѣмъ, иже въ храмѣмъ (сѣтъ). **Т**акъ да просвѣтитсѣа свѣтъ вашъ прѣдъ чѣловѣки, **И**акъ да видѣтъ ваша дѣла дѣла и прослѣватъ Оца вашего, иже на небѣхъ.

Причастен: **В** Памѣть вечнѣю бѣдет праведникъ; **О** слѣха сла не оубоитсѣа: